

## 109 年全國語文競賽客家語朗讀文章國小學生組（海陸腔）

編號 1 號

### 【蛻變】徐佳好原作

記得俵仔讀小學個時節，放學轉到屋下興蹠蹠仔<sup>1</sup>摺 分享，上自然課，先生紹介蝶仔，佢試著當生趣，問：「阿姆，做得畜弄毛蟲無？」斯聽過有人畜細魚仔、蠶仔、雞油蛄，敢有人畜弄毛蟲？

該時， 在學校做志工，摺圖書室個細阿姊仔打嘴鼓，佢講：「斯愛種一頭柚仔樹抑係柑仔樹，就會有蝶仔飛來生卵。你再過準備一隻罐仔，裡肚放一支細樹極，恁樣就做得咧。」一聽著，心肝肚當疑狐：自家又無戴在莊下，種一頭柚仔樹就會錫蝶仔來，哪有可能？毋過，「狗呷烏蠅，賭造化」<sup>2</sup>罔試看仔。

講來盡奇怪！有一日，正經有一隻蝶仔，在 兜種個柚仔樹脣飛來飛去、飛上飛下。 心肝肚恸：「佢在該做麼个呢？」目金金緊看，佢一頭緊撲翼，一頭對屎肫尾屙出細細粒、黃滄滄个卵在葉仔面頂。 細心細意，摘下這皮葉仔帶轉屋下放落罐仔裡背。

幾日過後，幼蟲對卵肚鑽出來，一出世，黏時摺卵殼食忒。

弄毛蟲當揀食<sup>3</sup>，斯食合意个葉仔，像一個肚屎當枵个細孬仔，葉仔分佢食到淨—淨—淨—，斯伸著葉脈，俵仔都赴毋掣摘葉仔分佢食！佢兜緊食臉身緊大箍，白烏色个衫褲忒狹咧，斯脫下舊衫換過青衫。

成時，蠻皮个俵仔係「頭那插禾串」撩佢，佢會黏時臥起圓圓大大个頭那，摺伸出紅紅个角，放出像榴槿樣臭胖胖个味道，想愛嚇走欺負佢个人；毋過，若係正經堵著烏仔、虎頭蜂，佢兜斯插都毋插。有一擺， 識看著自家畜个弄毛蟲，毋知分對哪來个蜂仔食忒，衰過个弄毛蟲，瀉都毋掣！一無注意，嘎發生恁悽慘个事情，實在得人驚！

弄毛蟲逐日都盡命牯食葉仔，食到臉身肥固固<sup>4</sup>毋知飽。有一暗晡，看佢迂迂轉<sup>5</sup>，葉仔毋食，斯在罐仔肚越來越去，毋知在該無閒麼个。佢屙一埕青青个落粑，俵仔問：「佢係發病仔抑係屙痢肚？」突然間，佢越在該樹極頂，呷絲摺自家吊等又過跔等，囡在蠶包裡肚，像人<sup>6</sup>睡忒咧！

經過一禮拜零，蠶包變色，像變奇術樣，蝶仔對蠶包裡肚鑽出來咧！毋過，溼溼、皺皺个翼還言燥，佢定定仔、柔柔仔，當有耐心个等待，正經係老古人言講：「甘蔗食了一目正一目」，毋好「打卵就愛見黃」。看著這靚膩膩个花仙子，當像係摺 兜講等人生盡多个道理。

<sup>1</sup> 興蹠蹠仔：音 himˋ diaˋ diaˋ er；興沖沖的。

<sup>2</sup> 狗呷烏蠅，賭造化：音 gieuˋ gabˋ vuˋ rhin, duˋ co+ faˋ；狗突然張口去咬飛過的蒼蠅，能否咬到就看運氣。

<sup>3</sup> 揀食：音 ganˋ shidˋ；挑剔食物。

<sup>4</sup> 肥固固：音 pui guˋ guˋ；胖胖的。

<sup>5</sup> 迂迂轉：音 dinˋ dinˋ zhonˋ；轉個不停，此處形容躁動不安。

<sup>6</sup> 像人：音 ciongˋ ngin；好像。